

2019

**RUANGMEI**

**(Modern Indian Language)**

**Full Marks : 100**

**Pass Marks : 33**

**Time : Three hours**

**Thaylou khang :**

- (i) Latthanv che hei kalangv padeih A, B, C khatnic D twna khaklangc pat re.
- (ii) Latthanv kaguayna zamh full marks nzat biak margin khou lyanlou e.
- (iii) Latthanv kaguayna daw nina e.

**KALANGV-A**  
**(LATCHYAM/PROSE)**

1. **Kabangc khou tiiloumei latbamv hei kabamv dincna piakna hy o. 6×1=6**  
**(Explain with reference to the context :)**
  - (a) Kandih khou pat bammei kaguayna hei Ravguangc rui thaylou makmei paengc khou hamh e.

**Hamhethei**

  - (b) Mi hei rui Ozone Layer ta ti-mpu khihkhitlou the. Kumtina Ultra Violet Ray kandih khou phauhgut geic the.
2. **Kabangc khou tiilou bammei latthanv hei latkaeng 180-200 lungc khou daw o : 6×1=6**
  - (a) Kulanang lev Guibamlynliu kaney ramzian chaenglwan khou tabuibui rui sw khamvnamv kan cho hy o.

P.T.O.

*Hamhethai*

- (b) Rani Gaidinliu khang lyammav zanphuak tiilou kanmei duimei lwanry hy o.
3. **Kabangc khou thanv bammei latthanv guay hei latkaeng 20-25 lungc khou daw o** 2×5=10
- (a) HIV rik gaanvkhat khou rui naengvmei thiak kanei hy o.
- (b) 'Montril Protocol' tw bammei tabui ta cho ?
- (c) 'Miantii Raengckat Hei Khou Tei' twmei pary khou amaypui rui laalou kanmei nthukmei dam tei duina hy o.
- (d) Howreylu lauthuan khwanzingh kalung puamc bammei tei tabui zaeng rui cho ?
- (e) Science rui maanseina khang tabuibui gaengmei tiilou cho ?
4. **Kabangc khou tiilou bammei latthanv guay hei latrian akhat khou daw o:** 1×3=3
- (a) Poilwa khou naimei Gaidinliu tuang rihgaekkai khou tei rihmei azuh bam nuh cho ?
- (b) Gaytowlung tabui ta phuna kalung puamc bam tu cho ?
- (c) Miantii kailuanc khou nthaanh zanc suangc tu kan makmei tei thow cho ?

**(LUCHYAM/POETRY)**

5. **Kabangc khou tiilou bammei latlangv hei kabamv dincna piakna hy o.**  
**(Explain with reference to the context) :** 6×1=6
- (a) Gaymei khang damc kungcna,  
Siimei khang chiwna damc geiclou e.

**Hamhethai**

- (b) Nang laam ta nic meic guay hu khou tilyan nii makna cho ?  
Nang lwn tei nic meic guay hu khou ti-'chin nii makna cho ?
6. Kabangc khou thanv bammei latthanv hei latkaeng 180-200 lungc khou daw o: 6×1=6
- (a) Hymeic Poujairung Thaimeic theilayna Raengdaic tuang howgaymei guay tei hy pat ro.

***Hamhethci***

- (b) C.P. Lungkubon rui katuang luchyam khou thay tangc ngarn mak bammei hei tabui lam ta cho?
7. Kabangc khou tiiloumei latthanv guay hei latkaeng 20-25 dou piuna daw o: 2×3=6
- (a) "Zingc ni zingc saengc chuy kumc the hei zingbangc tei."  
Tabui sw tina Lungcsiimeipui khang mi zingbangc tei zing saengc chuy bam tu cho ?
- (b) Dr Thuanreilung Phaomei theilayna theihmei hei tabui kumhmei cho ?
- (c) 'Lubuanneic kalung geic khatnic kachwn rui kapuat sw' bammei tabui zaeng rui cho ?

8. Kabangc khou latthanv hei latrian akhat khou daw o: 1×2=2
- (a) "Guailingc khou maku guaic bangclou tina Nchwngna ding tuang kumc"  
Mi latbamv hei thow ta saa bam tu cho?
- (b) Lungcsiimeipui khang tabui bw tei ryanraa liangmei bw sw cho?

## KALANGV-B (PAHMEI/READING)

9. Latdangv hei pac lana latthanv guay daw o:

Tingzyn neihkhyam key the. Nchu rihrimei mpwan aliu guang kahouh the. Thawruay guay ni kakai kabou nzwan kan the. Tu mbaa zangv mbaamei lwn ni chaengluang khou how geic the. Tat ntyng dyngding thay makmei nic peyna tat bam the. Mi guay tei howna ai nuic nii thuai mak ge. Ai nuic niimei kiu tho alauc nunc tingthai rei tu khang nzaekkulou lana key dat thay mak bmmei ta de. Mphutlou tithei thingbang kauh thangc rui kaluang karaamna siauckey pwni thayna ai nthiamna tikeylou the. Mi dyng khou tei chaengdaeng lunghmei kainungc akhat khou 'bang' twmei ranv hakmei khwan akhat chu pw e. Ai pak gut pwki Aguina zeik rak khou punlou bam khwan the. Kalam thay mec, kadaeng khou ni thingdangv daihmei akhat nai bam e. Kamik ni rakpat dat mak bam the. Guang anaana zauc pwki azanc hyloumei mailaek baanrun ta ai how e. "Amay di the ke ai hei" ningna araana ding hah lahlaa bam duc the.

A. Lathanv guay hei latkaeng 20-25 lungc khou daw o : 2×5=10

- (a) Tingzyn lwnlung hymeis rui twkumh lyanlou cho dinc o.
- (b) Neihkhat tingzyn hymeis rui chaengluang akhat khou howlou kanmei tei tabuibui cho ?
- (c) Aguina khang zaengsiimeis tingzyn sw kanmei tabui zaeng rui cho ?
- (d) Hymeis lev Aguina kaney kak khou tabui riang nai cho ?
- (e) Hymeipu twkumhna amay sw kan tu cho ?

B. (a) Latdaengv khourui 'nowsuanhmei' twmei latkaeng kabac lev nchamcmei latkaeng phupat ro. 1

- (b) "Tat ntyng dyngding thay makmei ni peyna tat bam e." 1  
 Mi latrian khou 'dyngding' twmei latkaeng hei Ruanglat
- (i) latpaa e. (ii) latthiap be.  
 (iii) latmi e. (iv) latchap be.

10. **Kabangc khou tiiloumei latdangv hei pac lana**

- (a) Note kasiamh o. 5  
 (b) Note khou tei rui summary hy o. 3

Kandih kaguayna tuang nyingtyngmei guang kaduaina 'twkumh e thei kandih hei rih maekpui kandic sw kho tov' twna kaphianh khwan e. Rey liangmei lungcdyng tei kandih khatkhat ta machuang kariimei twmei hei e. Machuangloumei twmei hei daic hakmei latkaeng e tiki samvpaliatna saa pwkhou 'taanc nchamcmei' tw tuang de. Kandih khat rui khat ta pam kumc taanc nchamc e thei latlu hei geic lak ge. Latlu daihmei guay nganvna chiwna hyam ngam pwni. Ngamvzi, kathaek, kalanv, puanhbamv lam khou gaengh sw kari makna, mamav zauczihmei chwn ganapatna taanc e thei sucnih nai lak ge. Kaneimei lungcdyng kiu tho dihriak tat twan mak khang twmei hei e. Dihnac guay rui kakandic-dic tuang dihriak tei piu nchumhna bam nina e. Kandih kapwmna tuang swmei riak hei nic piu nina e. Mi tei kumcna kandih kapwmna meic guayna khang gay nchamcmei taanvbmav guay khou machuang kariina khatnic dihriak piuna taanc tithei sucnih nai dat lak khe. Mi mbaanv khou rih swmei twmei hei maan kan ni di the.

**KALANGV-C (HYMEI/WRITING)**

11. **Kabangc khou tiiloumei lam khou akhat piakna latkaeng 80-100 dou khou hypat ro :** 6×1=6
- (a) Ai Class X pass swpui nungc tingzyn  
 (b) Achav (My Habit)

12. (a) Border Road Organisation (BRO) tuang Chief Engineer khou Saengruncg khou rui Tamenglong chaeng katuamcna taancluailou khang zaenghuaymei taldyn akhat hy o. Nang zanc Nganaalak Rwangmei twna hylou o. 6

*Hamhethai*

- (b) MGNREGS guanglou khou rui namv namv khou lungcsii lungcsangmei guay khang tingkauh manna di the tiki thowkumhmei khang tho syandui khou phaysuypui bamv sw bam the. Mi lam khou Zaenggay chamvche tuang nzangmei (editor) khou taldyn akhat hy o. Nang zanc Syanlanvguang Gaengmei twna hylou o.

13. **Kabange khou tiiloumei latbamv hei tiiloumei Outlines sinswna Essay latkaeng 100-150 lungc khou hy o :** 8

- (a) Apanty khou tamhmei

[**Outlines :** Kahouhmei – tabui ta tamh khang – tamclouna tabui sw khang-luailoumei]

*Hamhethai*

- (b) Tunac gaymei ta khanlou khang nai e.

[**Outlines :** Kahouhmei – latchap kabac – maansei panty khou piupui lwan-luailoumei]

**KALANGV-D (LATRIAK / GRAMMAR)**

14. (a) Ruanglat khwan khou ‘aa’ naimei latkaeng akhat hy pat ro. 1

- (b) Ruanglat khwan khou ‘v’ lev ‘y’ hei rui bumkeymei khwan madanc e thei ‘guai’ twmei latkaeng hei bumkeymei khwan khou twkumh hy nic ? 1

15. (a) Genentive case khou rising tone hei \_\_\_\_\_ tone khou kalaih e. 1  
Tabui khwangwan (tone) khou kalaih cho hy pat ro.

- (b) Zingbangc bw riw how \_\_\_\_\_ .

Mi latkaeng (the/pwni/e/kan the) khou rui nchumhmei kapahna Simple Aspect Latrian swna hy suaklou o. 1

- (c) Kachaekc hei kamanv kungc e. 1  
Mi latrian khou 'kachaekc' hei tabui noun cho?
16. (a) Kamei kalwn howgay e twmei ai thay e. 1  
Mi latrian khou tabui latkaeng rui conjunction taanv sw cho?
- (b) Gaylaa saa e Ai guang pwni the 1  
Mi latrian khou punctuation mark nchumhna hy pat ro.
17. (a) Ruanglat latrian lwnlung (Subject+Object+Verb+e) tuang latrian akhat 1  
hy o.
- (b) "Ravchap tatmei mei kiu thow cho?" 1  
Mi latrian khou rui Adjective clause kapahpat ro.
18. **Tiiloumei latkaeng khou rui kabah nchamcmei latkaeng (synonyms) hy 1  
pat ro: 1 × 2=2**
- (a) lanv  
(b) nah
19. **Tiiloumei latchap kabac tabui cho hypat ro : 1 × 2=2**
- (a) Maiswm mut ni khou khou katyn e.  
(b) Tanthihmei lanv nthumc tu e.
20. **Tiiloumei latrian khou rui Ruangmei latthiap (Idiom) kapah pat 1  
ro. 1 × 2=2**
- (a) Lubuanneic pui ginpu tuang guaih bangh laa riilou kan the.  
(b) Kamei meic bian phunghmei nac e.